

景定建康志卷之十九

承直郎宜差充江南東路安撫使司幹辦公事周應合修纂

山川志三

河港

漕河一名靖安河自靖安鎮下缺口取道入儀真

新河八十餘里

事跡吳聿靖安河記略曰江出岷山道峽與荆湘沅澧至洞庭積為巨浸合沔水經潯陽東邀彭澤別為九道會為中江東北至南徐州為北

江入于海惟中江自湖口合流而下奔放蕩瀟吐吞日月山或磯之則其勢悍怒觸舞大編兀若轉梗至其廣處曠數百里斷岸相望僅指一髮而舳艫上下中流遇風則四顧茫然亡所隱避自金陵抵白沙其尤者為樂官山李家漾至急流濁港口凡十有八處稱號老風波而玩險阻者至是鮮不袖手東南漕計歲失於此者什一二宣和六年發運使盧公訪其利病得古漕河于靖安鎮之下缺口謂其取徑道于青沙之

夾趨北岸穿埒月港繇港尾越北小江入儀真
新河以抵新城下往來之人高枕安流八十餘
里以易大江百有五十里之險實爲萬世之利
役之始興楊子六合上元分治其所臨之地

新河在白鷺洲西南流通大江二十餘里

事跡韓忠武王世忠碑云建炎四年金人入寇
車駕幸四明王聞之亟以舟師赴難兀朮聞王
在京口遽勒三十萬騎北還王遂提兵截大江
以邀之相持黃天蕩四十八日兀朮勢危自知

力憊糧竭或生他變而王舟師中流鼓柁飄忽
若神凡古津渡又皆八面控扼生路垂絕一夕
潛鑿小河自建康城外屬之江以通漕渠幸風
波少休竊載而逃○內翰汪公藻建炎間奏議
云虜於鍾山雨花臺各劄大寨抱城開兩河以
護之詩云上東門嘯本同科天誘胡雛智
詐多才斗夜鳴兵四合五更平陸已成河

蘆門河在上元縣長寧鄉去縣六十里一名蕃人河

事跡石邁古跡編云蘆門河在蘆門漾之側建
炎間始開以通真州亦名蕃人河今黃天蕩南

王諫議蘆場內是其處按此河以蕃名而不述其所以名意汪內翰所謂虜開兩河則此河與新河皆虜所開者否則無因以蕃名也

珍珠河在宋行宮後

事跡乃昔陳後主泛舟遊樂之河忽遇雨浮漚生宮人指浮漚曰滿河珍珠因而名焉此河通護龍河至太平橋西分兩派一派由柵寨門一派由秦淮至嘉定間李尚書珏開浚以泄霖漲見水底有大梁板乃止

在東門外土橋之東

事跡嘉定八年西山真公爲江東運副適遇旱蝗細民阻饑欲因役以飽之爲養種園前一帶河道淺狹乃撥錢米發下蔣山寺令主首繼心差本寺僧行部役募五縣人夫自土橋東開河欲至蔣山開至半山寺後橋亭石不可掘乃止

新林港又曰新林浦在城西南二十里闊三丈深一

丈長一十二里

事跡宋朝開寶八年王師收復江南曹彬等破

僞唐兵於新林港卽此地○李白新林浦阻風寄友人詩有云明發新林浦空吟謝朓詩送友人遊梅湖云暫行新林浦定醉金陵月又韓翃送客遊江東詩云君到新林江口泊吟詩應賞謝元暉蓋元暉有新林向板橋詩也

下蜀港 在城東北一百里句容縣北六十里

事跡 唐世置鹽鐵轉運使在揚州 本朝都大發運使在眞州皆於江南岸置倉轉般今下蜀鎮北有倉城基并鹽倉遺址尙存後有河入大

三〇九 **建康志卷十九** 四

江里俗呼曰官港卽古漕河也○紹興七年二月己巳 車駕未入建康嘗次下蜀卽此地

也○韓子蒼嘗居下蜀 集中有與曾宏甫同行下蜀詩下蜀追隨日歡

言一散愁籃輿隨阪路小楫渡潮溝

竹篠港 西至靖安東至石步南連直瀆北臨大江屬

上元縣金陵長寧兩鄉由靖安港口至城二十里由石步港口至城四十里在唐世已曰竹篠港邇時於靖安港口得僞吳所鑄錠石云吳順義元年都城鑄

石步港 在上元縣長寧鄉去縣四十里

事跡石邁古跡編云攝山西花林市之東有曰石步港西連竹篠河北出大江○徐鉉臨石步港賦詩有云吹浪游鱗小黏苔碎石圓

溝瀆

湖溝吳大帝所開以引江湖接青溪抵秦淮西通運瀆北連後湖其舊跡在天寶寺後天寶寺故基在今城東北角外更西

一里長壽寺前

事跡實錄云湖溝東發青溪西行經古承明廣莫大夏等三門外西極都城墻對今歸善寺西

南角南出歸善寺故基在今城北雞籠山東經閶闔西明二門接運瀆在西州之東今筴橋西南流入秦淮乾道南北橋河是也其北又開一

瀆經栖元寺門

栖元寺在覆舟山西南雞籠山東北

至後湖以引

湖水至今俗亦呼為運瀆其實古城西南行者是運瀆自歸善寺門前東出至青溪者名曰潮溝其溝東頭已堙塞纔有處所西頭則見通運

瀆○京都記京師鼎族在潮溝北○石邁古跡編曰按建康實錄所載皆唐事距今數百年其

溝日以堙塞未詳所在今城東門外西抵城濠東出曲折當報寧寺之前亦名潮溝此今世所開非古潮溝也○按徐鉉有和鍾大監泛舟詩云潮溝橫趣北山阿張忠定公亦有詩云潮溝一面已生蒲則是南唐及宋初潮溝古跡猶在也○東南利便書曰古城向北秦淮既遠其漕運必資舟楫而濠塹必須水灌注故孫權時引秦淮名運瀆以入倉城開潮溝以引江水又開瀆以引後湖又鑿東渠名青溪皆入城中由城北塹而入後湖此其大略也自楊溥夾淮立城其城之東塹皆通淮水其西南邊江以爲險然春夏積雨淮水泛溢城中皆被其害及盛冬水涸河流往往乾淺

深在詩云流水東西傍帝臺六朝重爲兩朝開會看鷓首
知高下莫問魚皮識去來○云潮溝溝外盡深泥泥上湖生溝卻低直向北行連運瀆折從東去入青溪空中不斷橋鳥過岸上相望瓦翼齊好是畫橋深北處荷花盈蕩柳垂堤
御溝
在古御道兩旁歲久堙塞

事跡南史桂陽王休範舉兵杜黑驪乘勝渡淮

黃門侍郎王蘊傷重踣於御溝之側○實錄朱

雀門北對宣陽門相去六里名爲御道夾開御溝歲久堙塞今宮城以南御街兩邊俱有溝在居民屋下者乃南唐所開非六朝之舊跡

吳融詩云

一水終南下何年派作溝穿城初北注過苑卻東流遶岸清波溢連宮瑞氣浮去應涵鳳沼來必滲龍湫激石珠爭碎紫堤練不收照花長樂曙泛葉建章秋影炫金莖表光搖綺陌頭旁沾畫眉府斜入教簫樓有雨難澄鏡無萍易擲鈞鼓宜堯女瑟盪必蔡姬舟臯着通鳴鶴津應接斗牛迴風還激激和月更悠悠淺憶觴堪泛深思杖可投祗懷涇合慮不帶隴分愁自有朝宗樂曾無潰穴憂不勞誇大漢清渭貫神州○**王**平山云渺渺金河漲欲平數支分淥報清明常縈輦路漂花去更飲流盃送酒行靜見金輿穿樹影清含玉漏過墻聲衰顏一照自多感回首

四三〇五

建康志卷十九

七

江南春水生

霹靂溝

在城東五里王半山有詩云霹靂溝西路柴

荆四五家

百丈溝

一名**百步溝**在溧陽縣南三里源出燕山相

傳云此處田多高印開溝以灌溉東流合于白雲逕下入太湖

鐵冶溝在鍾山鄉馬鞍山之下有地三畝餘皆鐵近

水垠通小港耆老皆呼爲鐵冶溝

事跡

梁時作三埧堙淮水以灌壽州一於壽州

一於荆山一於盱眙久不能成聚江南之鐵融液載往淮築之上種榆柳一夕崩壞聲聞數里棄所聚之餘鐵於此至淳祐七年趙都督葵於其旁置爐鞴十數以鑄鐵砲匠人烹鑿其地堅不可入乃已

直瀆在城北隸上元縣鍾山鄉去城三十五里闊五丈深二丈西至霸埂東北接竹篠港流入大江旁有直瀆山直瀆洞吳後主所開瀆道直故名曰直瀆舊志

事跡輿地志云白下城西南有蟹浦蟹浦西北

有直瀆○伏滔北征記吳將甘寧墓在此或言墓有王氣孫皓惡之乃鑿其後爲直瀆○晉蘇峻舉兵溫嶠帥師救京師遣王愨期等爲前鋒次直瀆卽此地○楊修詩注云瀆在幕府山東北長十四里闊五丈深二丈初開之時晝穿夜復自塞經年不就傷足役夫臥其側其夜見鬼物來填因嗟曰何不以布囊盛土棄之江中使吾徒免殫力於此傷者異之曉白有司如其言瀆乃成朱徐詩云晝役人功夜鬼功陽開陰闔幾時終不聞擲土江中語爭得盈流一

水通○野亭馬之純作直瀆如何計得工長江
雖遠欲相通比嘗開鑿不勝苦已復淤填還似
空聞鬼夜中皆有語棄泥江裏解成功
有司號令纔依此袞袞波流漸向東

通瀆 在上元縣西北一里半吳大帝赤烏三年使左

臺侍御史郗儉監鑿城西南自秦淮北抵倉城通運
於苑倉今所鑿城在西門近南其水東行過小新橋
而南經斗門橋流入秦淮又東北過西虹橋循宋
行宮城西迤邐向北乃其故道其自閃駕橋經天津
橋而東者合于青溪 舊志

事跡 案建康宮城即吳苑城城內之倉曰苑倉

三六十二 建康志卷十九 九

故開此瀆通運倉所時人亦呼為倉城晉咸和

中修苑城為宮惟倉不毀是名太倉在西華門

內道北 朱存詩 舳艫嚙尾日無虛更鑿都城引

破岡瀆 在句容縣東南二十五里

事跡 實錄云吳赤烏八年使校尉陳勲作屯田

發屯兵三萬鑿句容中道至雲陽西城以通吳
會船艦號破岡瀆上下十四埭上七埭入延陵
界下七埭入江寧界晉宋齊因之梁改為破墩
瀆遂廢而開上容瀆陳高祖即位又堙上容瀆

而更修破岡至隋平陳乃廢後宋少帝於華林園開瀆聚土以象破岡埭與左右引船唱呼以爲歡樂

義溝瀆在城東二十里源出東青村下入秦淮長七里溉田一百餘頃

徑瀆在溧陽縣北三十里水自金壇縣界來入長塘湖鎮江志謂晉宋舊有此瀆隋大業初縣令達奚明又加疏決

池塘

三、〇一

建康志卷十九

十

放生池案舊圖經唐乾元中詔於江寧秦淮太平橋臨江帶郭上下五里置放生池八十一所有碑昇州刺史顏真卿文舊以府治東東接青溪北通運瀆者爲之舊志今秦園之側府學之東卽古放生池也淳熙間史待制正志移放生池於青溪建閣其上遇祝聖立班閣下府學遂因舊放生池爲泮水其流亦通青溪王尚書埜以其池乃祝聖之地立板榜於舞雩亭門禁漁捕池近行路水深而堤不固時有溺死者馬公光祖聞而憫之池名放生豈容有溺死者乃

命能仁寺僧築堤磬街立大木爲欄檻自是無溺者矣又修闢青溪閣前爲飛梁繚以朱欄深迥汪洋塵迹莫能到也

天基節放生其間真足以浚皇仁而遂物性詳見青溪閣下

天泉池宋元嘉二十三年鑿一名天淵池

舊志

事跡龔穎運歷圖云晉孝武太元十年大旱井瀆皆竭太官供饈皆資天泉池自晉已有此池矣○沈約宋書云明帝泰始二年天泉池白魚

二百九十九

建康志卷十九

士

躍入御舟○梁書陸榮公傳云天泉池中新製舟形狹而短惟引太常劉之遴國子祭酒到漑右衛朱异中書黃門郎陸倕同載○江總華林園天淵池銘云曉川漾璧似日馭之在河宿夜景流金疑月輪之馳水府今宮城後法寶寺西南菜圃中荒池尙餘一畝卽此池也

善泉池一名**九曲池**在臺城東東宮城內周迴四百

餘步

事跡金陵故事梁昭明太子所鑿中有亭榭洲

島曲盡幽深之趣太子泛舟池中嘗曰何必絲

與竹山水可忘情

詩十頃青瑤浸碧流更添景趣極深幽旁為九洲十

八島上有五城十二樓若霽荷花風度曉瀟湘

蘆竹雨生秋昭明心想知何似好聽騎鯨汗漫

遊○揚虞部詩影浸龍樓徹鳳城昭明有意在

澄清穿時深欲狀溟渤樂府當歌重澗聲○鮑

曲夷白堂小集云甲午春與李之儀端叔葉

飲馬池宋大明中立於元武湖北上林苑中

洗鉢池在蔣山寶公塔西二里法雲寺基方池是也

覆盃池今城北三里西池是也

事跡晉元帝中興頗以酒廢政丞相王導奏諫

帝因覆盃於池中以為誠馬野亭詩當初一馬

草萊無數流離未安集幾多政事合圖回只應

早起觀庭燎安得時常近酒盃江左中興仗誰

力一池春水泛新醅○揚虞部詩金盃覆處舊

池枯此後還會一醉無東晉中興股肱力元皇

亦學管夷吾

西池案宮苑記在太初宮西門外吳之西苑今惠日

寺後池也舊志互見太子湖

事跡吳宣明太子孫登所創謂之西苑○世說

武士一夕中作比曉便成卽今謂之太子西池
○丹陽記曰西池孫登所創吳史所謂西池明
帝重修之耳○記室新書云西苑內有太子池
孫權子和所築○實錄注云其宮城西南角本
有池名清游池通城中樂賢堂竝肅宗爲太子
時所作○晉中興書云溫嶠拜中庶子在東宮
甚見寵嘉僚屬莫與爲比數規諫諷議甚有補
助太子時起西池樓觀頗多勞費嶠口疏諫太
子納焉○建康實錄云晉太元十年苻堅爲姚

萇慕容冲所攻遣使求援詔謝安率眾救秦帝
自行西池宴羣臣餞安賦詩者五十八人其地
當在今宮城之西北○晉書云劉毅征盧循敗
歸帝大宴於西池有詔賦詩毅詩云六國多雄
士正始出風流毅自以武功不競故示文雅有
餘也謝源詩悟彼蟋蟀唱信此勞者歌有來
豈不疾良遊常蹉跎逍遙越城肆願言屢
經過回阡被陵闕高臺眺飛霞惠風蕩繁囿白
雲屯會阿景昃鳴禽集水木湛清華褰裳順蘭
沚徒倚引芳柯美人愆歲月遲暮
獨如何無爲牽所思南榮誠其多

濛池在臺城內舊志

事跡 梁陳龍舟嬉遊之所楊虞部嘗賦詩

春條拂岸

柳如金一鑑澄空照底深傍見龍舟楮袍影分明紅日在池心

柵塘

在秦淮上通古運瀆不詳其始

舊志

事跡 實錄注吳時夾淮立柵號柵塘○王隱晉

書云王敦反以兄子應為嗣沈充自吳率眾萬餘人至與王含合充司馬顧颺說充曰今日舉大事而天子已扼其喉情離眾沮持疑猶豫必致禍敗今若決破柵塘因湖水灌京邑肆舟艦之勢極水軍之用此所謂不戰而屈人兵上策也

也充不用其言○王敦教誅郭璞璞謂五伯曰吾年十三時於柵塘脫袍與汝吾命應在汝手中五伯感昔念惠啣涕行法○梁天監九年新作緣淮塘北岸起石頭迄東冶南岸起後渚籬門達于三橋作兩重柵皆施行馬至南唐時置柵如舊

馬野亭詩 六朝何處立都城十里秦淮城外行上設浮航如道路外施行馬似屯營關防直可防津渡緩急徒能禦盜兵非是後來謀改築如何今日作陪京 其後置閘洩城內水入于江俗呼為柵寨門乾道五年史公正志重修後廢景定元年馬公光祖重建

詳見城闕志

橫塘

案實錄注在淮水南近陶家渚緣江築長堤謂

之橫塘淮在北接柵塘

舊志

事跡

宮苑記吳大帝時自江口沿淮築堤謂之

橫塘北接柵塘在今秦淮逕口吳時夾淮立柵
白石頭南上十里至查浦查浦上十里至新亭
新亭南上十里至孫林孫林南上十里至板橋
板橋上三十里至烈洲○吳都賦曰橫塘查下
邑屋隆夸樓臺之盛天下莫比

揚虞部詩早潮
纔過晚潮來一

三百七

建康志卷十九

十五

一軒窓照水開鑑面無塵風不動分明倒影見
樓臺○**馬**如詩如今何處是橫塘在府城南
淮兩旁魏蜀兩都皆不似蓬萊三島足相方烏
衣巷口排金屋朱雀橋邊立粉牆有底繁華難
說似何妨把
作畫圖張

倪塘

在城東南二十五里

事跡

晉書王敦自湖陰使王含錢鳳等以兵五

萬逼京師帝親率六軍次南塘夜募勇士陳嵩
等領甲卒千人渡水掩其未備大破含軍于越
城含軍既敗乃率餘黨自倪塘西置五城如卻
月勢卽此處也○南史劉毅初當之荊州表求

東道還建鄴辭墓去都數十里不過拜闕宋武帝出倪塘會毅胡藩請殺之帝曰吾與毅俱有剋復功其過未彰不可自相圖其後北討謂藩曰若從卿倪塘之謀無今舉也○梁書陳霸先旣破侯景時齊兵自秣陵東跨淮立橋引兵渡自方山進及倪塘互見五城

臨賀塘在城東三十里屈曲一十里灌田二十頃梁臨賀王蕭正德理田於此因以爲名

銅塘在城東四十里屈曲一十五里溉田二十頃

三百四十一

建康志卷十九

六

長塘在城東南六十里屈曲五十里溉田一百頃

王塘在城東四十里屈曲一十五里溉田三十頃

開善塘在城東三十里屈曲一十五里溉田二十頃

蠡湖塘在城北二十里屈曲一十三里溉田一十頃

劉塘在城北三十里屈曲二十里溉田一十頃

水門塘在城東三十五里屈曲二十里溉田一十七頃

郭干塘在長隱山東其塘五畝深五尺一寸灌田六

十餘畝其近村亦以郭干名水常滿鄉人涸之必有震電屬茅山鄉十三都石頭堰

上鈐塘在句容縣南一十三里計四十一畝一角四十二步深五尺三寸灌田一百一十三畝

下鈐塘計六十六畝二角三步深五尺三寸灌田二百單二畝

郭西塘在句容縣西一里計一百八十畝一角五十五步深七尺三寸灌田五百七畝

南黃塘在句容縣東北十里赤堙約八畝深五尺灌田二百頃

西黃塘在句容縣東北十里澗西大小十三所廣一十五畝灌田百五十頃

井泉

景陽井一名**烟脂井**又名**辱井**在臺城內陳末後主

與張麗華孔貴嬪投其中以避隋兵其井有石欄多題字舊傳云欄有石脉以帛拭之作烟脂痕或云石脉色類烟脂案曾南豐集**辱井銘**曰辱井有篆文云

辱井在斯可不戒乎并下文共十八字在井石檻上不知誰爲文又有**景陽樓下井銘**又有陳後主叔寶

辱井記云江寧縣興嚴寺井石檻銘莫知誰作也今

皆磨滅唯辱井銘數字彷彿可辯 舊志

事跡按南史隋克臺城陳後主與張麗華孔貴

嬪俱入井隋軍出之○韻語陽秋日金陵之法

寶寺井有石欄紅痕若胭脂相傳云後主與張

孔淚所染○皇朝蘇易簡嘗作陳宮井記今石

刻在 行宮學士院內 記云陳宮三閣遺址僅存傍有古甃石欄周以

蟲篆年禩遠辭旨殘缺其可觀者有戒哉戒

哉數字詢諸耆艾卽陳之季主避兵之井也詰

其篆刻卽後之名士垂訓之文也敢復明其志

而言曰嗚呼惟天匪親君爲司牧司牧之畏有

若厲也有無爲也苟弗厥道雖降志辱身未足

補過苟底厥績則憑几高視可以致理是故爲

人君者可不戒哉叔竇之盜南國也悖民心慢

天鑒忘吞日之業味投籤之範淫湎之失一至

於此且城下之盟牀下之巽前聖尙或恥之矧

於沉井哉夫唐虞之懼與陳主之懼一也文武

之樂與陳主之樂一也唐堯統天文思安安御

彼黃屋如臨深淵此避兵之井也虞舜君臨德

音愔愔睦彼二女樂而不淫此又同繩之妃也

南齊公辱井辱井銘辱井有篆文云辱井在斯

可不戒乎并下文共十八字在井石檻上不知

誰爲文又有景陽樓下井銘又有陳後主叔竇

辱井記云江寧縣興嚴寺井石檻銘莫知誰作

也歷序隋文帝命晉王廣伐陳後主自投井中

令人取之驚其太重及出乃與張貴妃孔貴人

三人同束而上其末云唐開元二十二年三月

十七日前單父縣令左轉此縣丞太原王以下
闕○王結綺臨春草一丘尚殘宮井戒
千秋奢淫自是前王恥不到龍沈亦可羞○揚
真劉擒虎戈矛滿六宮春花無樹不秋風蒼
惶益見多情處同穴甘心赴井中○
綺春休玉樹殘陳王猶自惜姝顏石牀空染
脂恨不比雙妃楚竹班○會極詩寒泉玉甃沒
春蕪石染烟脂潤不枯杏怨桃紅嬌欲墮猶將
紅淚洒黃奴○馬野亭詩應說兵來且莫降急
尋宮井共深藏側身待作凌波步仰首還成半
面粧已分葬埋依古甃可憐牽挽出銀牀至今
汲水人皆說猶帶烟脂舊日香○
香中狎客吟望仙樓閣半天心誰云龍虎灘頭
水不及庭前簪井深○
空庭花無日不春風天翻地
覆江山在贏得聲名簪井中

龍天王井在臺城前舊傳梁武帝為郅后立龍祠井

六一六一
六一七三

建康志卷十九

九

上號龍天王井梁陳皆祀之舊志

事跡六朝記云梁武帝郅后性妬忌武帝初立

未冊命因忿懟乃投殿庭井中輒赴井救之已
化毒龍煙焰衝天人莫敢近帝悲歎久之乃冊
為龍天王使井上立祠自梁歷陳享祀不絕陳
滅乃遷其祠於京城道德寺大業初又置祠於
舊處

義井在城南天禧寺側天聖五年丞相李公迪所鑿

事跡義井記略曰相國隴西公赴鎮江寧思福

黎庶志在康濟常慮一物不得其所有塔主大
律師可政者乃謂城之南隅康衢四達憧憧往
來朝及其夕請官之隙地特建義井俾歷炎酷
以濟其衆公躍聞斯美筆允其請遂募其積善
者唐文遇出家帑以備其事畚鍤星聚穿鑿聿
成周砌翠珉廣覆華宇列列其泉縱鑠金焦石
其源靡息輪蹄絕慮漁樵無患老幼承惠矣天
聖紀號五載孟春月二十有六日記銀青光祿
大夫行尙書刑部侍郎碑字內堤堰橋道提舉

江南東路兵甲巡檢公事上柱國李迪

三義井

在石頭城後清涼寺莊及石子崗七里鋪共

三井

事跡

南唐保大三年置井欄上有僧廣慧刻字

以記歲月○又案金陵故事有三井在瓦棺寺
後汲一井則二井俱沸因名其地爲三井岡

應潮井

在蔣山頭陀寺山頂第一峯佛殿後

舊志

事跡

蔣山塔記云梁大同元年後閣舍人石興

造山峯佛殿殿後有一井其泉與江湖盈縮增

來此一憑欄

於井間得蘆根斷帆之屬揚虞部詩碧甃時時
相應古來泉脉誰穿鑿潮落潮生不暫澄
野亭詩俯看滄海仰看山相去分明霄壤間有
井無冬亦無夏與潮俱往又俱還想應透徹深
無底怪得浮沉轉似環不用浙江亭上望請君

藏冰井

案宮苑記在城東北十里覆舟山北

舊志

宋孝武大明中鑿以藏冰齊梁陳皆因之

揚虞部詩尤喜凌人職未隲閉藏出納示箴規
戰兢國步艱難者常似臨深履薄時
○馮野亭
向日周家有凌人後來此事特相因冬時室
內收藏早夏日宮中給賜新但得滿盤堆水玉
不須對面着風輪看來深闊
能多少調得陰陽冷熱均

沸井

在句容縣東三十五里

事跡丹陽記曰句容縣有沸井亦曰沸潭又曰

句容縣東三十五里有龍崗崗頂有沸潭周廻

十二丈聞人聲便沸不聞不涌也○異苑曰句容縣有延陵季子廟廟前井及瀆常自涌沸于今猶然圖經云在縣東三十里虎耳山

響井 在江寧縣陶吳鎮西北二百餘步

事跡 響井欄上存元祐五年四字或以紗帛蒙其上以物擊之則作鼓聲或以瓦石投其中則作鍾磬聲今屬陳主簿家園中

許長史井 在茅山玉晨觀內今有碑碣存 舊志

事跡 陶隱居云舊在許長史宅歲久堙沒後得

三百七十六 **建康志卷十九**

井於觀中其泉色白而甘○有井銘乃徐鉉所

作 長史含道棲神九天人非邑改丹井存焉射茲谷鮒列彼寒泉分甘玉液流潤芝田我來自西尋真紫陽若愛召樹如升魯堂敬刊翠琰永識銀床噫嗟後學挹此餘光

陶隱居井 在茅山華陽宮前橋東 舊志

事跡 陶貞白七次丹成皆中等神人告以定分

止合得此中丹於是服之遁景而去○井歲久堙沒政和初道士莊慎修索而得之初去三尺

許得瓦井欄雖破合之尙全環刻大字 先生冊

齊奉朝請壬申歲來山棲身高靜自號隱居同來弟子吳郡陸敬游其次楊王吳戴陳許諸生

供奉階宇湖熱潘邏及遠近宗稟不可具記悠
悠歷代詎勿識焉梁天監三年八月十五日錢
塘陳宣
懋書 及見磚甃又穿數丈獲一圓石硯徑九

寸許列十一趾滌之朱色粲然又得銅爐有柄
若今所謂手爐者仍於砂石間有丹一粒大如
芡實光彩射人亟取之遂墮井中木極甘冷雖
大旱不竭爐硯藏宮中

樂官井

在溧陽舊縣寨東百餘步

事跡

南唐時東以太湖與錢氏分界溧陽屯兵

三百九

建康志卷十九

三

滯魄爲祟託宿必厲或死無敢入者後有達官
欲寓宿驛吏以事告不信其夜果見服緋綠者
數輩自井出叱問具陳寃狀祈葬遺骼於高原
達官許之復投于井明日爲出其骼以葬其怪
遂絕今猶呼樂官井卽當時驛舍所在云

湯泉

在城東六十里上元縣神泉鄉湯山其處有聖

湯延祥院舊凡十所今存者六

事跡

吳郡錄曰江乘縣有湯山出溫泉二所可

以治疾○張勃吳錄曰丹陽江乘縣有湯山出

溫泉三所○宋劉義恭湯泉銘云秦都壯溫谷

漢京麗湯泉炎德資遠液暄波起斯源○石蓮

古跡編云鴈門山北有湯泉去都七十里用以

洗浴治瘡飲之已腸胃冷疾齊時有老沙門語

彼村人云此鑊湯之衝也寺中前後留題甚眾

最為警拔鴈門泉水熱於湯清淨源從古道場

忠孝泉近忠孝亭

事跡武舉狀元周虎有記馬軍行司公宇在建

城伊邇前地人攬撫殊未易及惟西北一隅獨無

四望亭之北為軒三楹即簷之瀝鑿池方十行

六丈以受眾溜以備不測穴地不四五尺偶於

池心得泉津津從而深之則泓紆隨溢清冷而

甘香以之淪茗滌煩頗勝他水亦可異也思有

以名之而未得一日引睇冶城之顛有屋孤起

諷之則晉將軍卞壺望之墓傍之舍所謂忠孝

亭者是已嗟乎忠孝之於人與生俱生夫人固

有之卞氏一門顧得擅此名於天地間耶方典

午不競官爵自尊品流自高紛如也至俯首一

意惟國之憂惟君之徇死生禍福不復吾計如

望之者凡幾人父死國難子死父難蓋六朝以

來曠未之聞則謂父忠臣謂子孝子可無愧裴

母之言矣路有貪泉行道之人恥而不飲虎也

何幸雖得官甚寵而食息起處乃鄰英靈於千

載之上且新泉之出與忠孝一亭下上適相近

可不挹望之之高風仰望之之遺烈託忠孝之

美名復皇皇乎他求哉於是乎遂名其泉曰忠

孝庶後之飲此水者不懷行道之疑而望之之

流芳汲之則在云嘉定歲庚午冬十月臨淮周虎叔子記并書

玉兔泉在府學東廊前

事跡秦丞相檜未仕時宿學夜見白兔入地使人掘之一丈許得泉檜既入仕設井欄鑄石篆書玉兔泉三字

一人泉在蔣山北高峯絕頂古定林寺後僅容一勺

挹之不竭自山下至泉五里章望之詩云一人泉在此山顛萬人可飲聞舊

言顧我無人試此水盛夏獨飲南風前

道光泉在蔣山之西梁靈曜寺之前

六一廿九
六一廿七

建康志卷十九

五

事跡熙寧八年僧道光披榛莽得泉深五尺穴

竹引注寺中由嶺至寺凡三百步王荆公手植

二松於其傍其後道光又得二泉合為一派主

寺者作屋覆于其上名曰蒙亭以此泉得之道

光故名道光泉

荆公詩籀龍雨繞山行注遠投深靜有聲雲涌浴槽朝自

暖虹垂齋鏤午還晴銅瓶各滿幽人意玉甃因高正士名神力可嗟妨智巧桔槔零落便苔生

宋熙泉在蔣山寶公塔之西有宋熙寺基基之左有

泉因名宋熙泉今蔣山興國寺日用皆此泉也

喜客泉在茅山棲真觀南客至則涌沸而起

舊志

事跡句曲三茅山記喜客泉在大茅北垂方數

尺客至即沸故以為名

漫塘劉宰詩物我本忘情無情惟止水底事山

中泉客來如有喜悠然鏡面平倏爾魚眼生少
焉開笑屬似與客逢迎客喜泉豈知泉笑客何
有邂逅深山中聊結忘情友。深居馮去非次
韻白雲在空山丹光照厓水仙人跡如埽客至
泉輒喜世路多不平箇中太清生政以靜自怡
亦與凡將迎風波處處息坎離人人有要使到
此蹤盡作蓬瀛友

撫掌泉在茅山崇壽觀前雖旱不涸舊記云在鴻禧

院東聞擊掌之聲涌出如沸其味甚佳冬時常暖亦呼為冬溫泉

大小卅一

建康志卷十九

三

白騎泉在城北十五里石邁古跡編曰吳大帝時蔣帝乘白馬執白羽扇見形於此馬跑地成泉因以名之其泉在騎亭山之側屬上元縣慈仁鄉

白乳泉在攝山棲霞寺千佛嶺下昔因人伐木始見石壁上刻隸書六大字曰白乳泉試茶亭不知得名於何人

陳隆泉石邁古跡編曰隸上元縣丹陽鄉絳巖山之北父老相傳昔有陳隆道人嘗結茅其側其泉清激甘冷繞山十餘泉皆所不及建炎中居民避難山中

取給此泉泉之東有屋基平坦無石莫知所因

田公泉在茅山玉晨觀東南一里亦呼柳谷泉

舊志

事跡真誥定錄言華陽雷平山有田公泉飲之

除腹中三虫與隱泉水同味云是玉沙之流津

也用以浣衣不用灰以此為異

玉液泉舊記云在茅山崇壽觀後山罡上路西畔仙

人捧石北泉若乳色甘而香能去腹中諸疾

海眼泉舊記云在楊尚書山房常時泉涌能應海潮

在積金中茅之西今元符宮西園是也

二百九十九

建康志卷十九

二十七

諸水

鍾山水

事跡李衛公浮槎山水記云李侯以鎮東留後

出守廬州因游金陵蔣山飲其水既又登浮槎

至其上有石池涓涓可愛蓋陸羽所謂乳泉漫

流者飲之甘則鍾山水與浮槎之水其味同也

石頭城下水

事跡中朝故事云李德裕博達居廊廟日有親

知奉使于京口李曰還日金山下楊子江中零

泉水與取一壺來其人舉棹日醉而忘之泛舟至石頭下方憶乃汲一瓶於江中歸京獻之李公飲後訝歎非常曰江表水味異於頃歲矣此頗似建鄴石城下水其人謝過不隱也

八功德水

在蔣山悟真庵後因梁天監得名

聖跡

天聖記云

鍾山之陽有泉曰八功德梁天監中有胡僧曇隱飛錫寓止修

行有一龐眉叟相謂曰予山龍也知師渴飲功德池指之無難矣人與口滅一沼沸成深僅盈尋廣可倍丈浪井不整醴泉無源水旱若初澄繞一色厥後西僧繼至云本域八池一已皆矣此味大較相類豈非竭彼盈此乎一清二冷三香四柔五甘六淨七不饑八蠲痲又其効也夫

建康志卷十九

天

姜詩孝聞獲淵開而鯉躍貳師誠至因劔刺以流飛義有激而相求物何遠而不應向匪兼濟則為怪力是泉也方外淨因寰中美利矧其靈者安可忽諸世故流離滋液長在借其風雨不庇荆蕪四侵寂寥山阿孰為起廢史館學士蘭陵蕭公貫以己俸作亭甃版石八自南康購至楹柱四下東府所成鑿崖以審曲置土以端術奢不至侈巋然獨存仍練僧結廬於前以掌之庶幾便民汲息客游非有傲於妄福也承奉郎守大理寺丞知上元縣事梅摯記 ○嘉

定記云

八功德水鍾山之勝也亭久弗葺編修

為國祈年于寶公味靈源之甘冽慨棟宇之湫陋圖敞而新之鳩工度材斲巖拓基增庫為高不擾於民不侈厥費輪奐翼然所以護神淵而綿美澤也自有此山即有此水梁天監中始得名我宋天聖中史館蕭公始亭其上迨今百七十有七年復宏舊觀闡幽發奇後前有

則嗣而葺之以沾溉後人滋福于無疆是山龍
沸出之祥鍾公重建之美意也公名將之字仲
山長沙人白樞屬三持節爲此來今着籍元土
是役也俾其屬浚都趙師縉董之因識其歲月
嘉定改元上題詠楊虞部詩翠壁如屏早不枯
已日記并書一泓甘滑飲醍醐高僧到此
聞絲竹還有金鱗對躍無注云高僧曇隱遊行
於此忽聞金石絲竹之音俄見清泉一泓瑩徹
甘滑有積年疾者飲之皆愈○王季山詩寒雲
靜如癡寒日慘如戚解鞍寒山中共坐寒泉側
新甘由短綆一酌煩可滌仰攀青青柳木醴何
所直又念方與子違憺恍夜不眠起視明星高
整駕出東阡聊爲山水遊以寫我心惜知子不
舖糟相與酌雲泉○曾極詩數斛供厨替八珍
穿松漱石瑩心神中涵百袖煙霞色不染齊梁
歌舞塵○馬野亭詩鍾山有嶺號屏風碧石青
林一徑通聽得山腰鳴陸續看來海眼淨沖瀨
初嘗但得傾心解再飲能令百慮空軟美輕清

無限好經中
所說正相同

曲水 晉海西公於鍾山立流杯曲水延百僚

事跡 水經注曰舊樂遊苑宋元嘉十一年以其
地爲曲水武帝引流轉酌賦詩裴子野宋略曰
文帝元嘉十一年三月丙申禊飲于樂遊苑且

祖道江夏王義恭衡陽王義季有詔賦詩

詔曲水詩

道隱未形治彰既亂帝迹懸衡皇

流共貫惟王創物永錫洪算仁固開周義高登
漢祚融世哲業光列聖太上正位天臨海鏡制
以化裁樹之形性惠浸萌生信及翔泳崇虛非
徵積實莫尚豈伊人和寔靈所賦日完其朔月
不掩望航琛越水輦賚踰障帝體麗明儀辰作

貳君彼東朝金昭玉粹德有潤身禮不愆器柔
中淵映芳猷蘭祕昔在文昭今惟武穆於赫王
宰方且居叔有眸睿蕃爰履奠牧寧極和鈞屏
京維服肅魄雙交月氣參變開榮灑澤舒虹爍
電化際無間皇情爰眷伊思鎬飲每惟洛宴郊
餞有壇君舉有禮幙帷蘭甸畫流高陞分庭薦
樂析波浮醴豫同夏諺事兼出濟仰闕豐施降
惟微物三妨儲隸五塵朝轍途泰命屯恩充報
屈有悔可後滯瑕難拂。蕭頴士蓬池楔飲序
曰晉氏中朝始參燕胥之樂江左宋齊又間以
文詠風流遂遠蔚爲盛集蕭子範家園三口賦
有云聊潔新而濯故式東流之前軌右瞻則青
溪千仞北顧則龍盤秀出

溧水

一名**瀨水**在溧陽縣西北四十里

事跡前漢地里志云溧水出南湖○祥符圖經

四百二十四

建康志卷十九

三

瀨水西承丹陽湖東入長塘湖蓋丹陽湖卽南

湖也嘗考其詳固城春秋時吳瀨渚縣

案勝公廟記

漢溧陽縣治在焉

隋開皇十一年割溧陽之西置溧水縣固城在今溧陽縣

之西溧水縣界紹興中得後漢溧陽校官碑於固城湖之傍故知其爲漢縣治丹陽湖

在其南故曰南湖溧水出南湖而東縣在水之

北水北曰陽故名溧陽自東垣旣成於是丹陽

湖水不復通本縣界然古溧水之出於丹陽湖

明矣今縣西北有水源出曹山逕溧水縣界東

流入本縣界合于永陽江六朝事跡編及乾道

建康志皆指曹山之水爲溧源非也。○元和郡縣志謂溧水在溧陽縣南六里蓋唐溧陽縣治卽今之舊縣也。○溧水東流爲永陽江江上有渚曰瀨渚卽伍子胥乞食投金處故又曰投金瀨自瀨渚東流爲瀨溪鄉民訛爲爛溪入長塘湖一派東流爲吳王漕吳王漕者楊行密時漕運所行也或以爲春秋時之吳王○真誥云夫至貞者萬乘不能激其名投金溧女是也陶隱居注云金溧女是子胥所逢浣紗於溧水之陽者後旣投金以報之故謂之金溧詳見李白所作瀨女碑

吳漕水源出溧水縣東廬山東南流入吳漕過白馬橋馬沉二港港下入丹楊湖

天山水源出溧水縣南流入固城湖經五堰東入溧陽縣三塔港

赤水源在句容縣北三十里亭山南遶縣城東與赤山湖水合流下百堰堰入秦淮

汝南灣在城東八里當秦淮曲折處舊志

事跡晉汝南王渡江因家於此遂名汝南灣齊

陸慧曉劉瓛宅並在灣前又有東冶亭在灣之東南乃晉太元中餞送之所○齊陸慧曉清介自立張緒目爲江東裴樂家於灣前張融自稱天地逸民牽船住岸卜以隣居劉瓛弟璉字子敬二人並居其間水有異味時酌飲之至今取

此水釀酒極佳事見覽古詩注

揚虞部詩汝南王昔過江東此

地名將汝海同玉罈濯來人易醉有時人面照花紅○馬野亭詩當時只號汝南灣後有三人住此間自謂逸民須隱約並稱賢士想高閑祗緣水味都殊異且欲鄰居數往還好是有時相就飲不妨鑑脚對青山

柳林灣在秦淮南南逼府城北臨淮水岸舊植桐甚繁故以名東北有浮航卽長樂橋也

明月灣在句容縣西南一里通淮謝安石曾月夜泛舟垂釣今釣基尙存

烏龍潭在城北鍾山鄉永慶寺之前水旱祈禱屢應按輿地志云宋元嘉末有黑龍見於元武湖側今潭近湖所疑卽當時所見之處

菖蒲潭在句容縣仙人房許長史居此學道又顧著作山房多產菖蒲一寸九節

投金瀨

在溧陽縣西北四十里源出曹姥山經溧水

縣界東流入縣界南流爲潁陽江江上有渚曰瀨渚

事跡吳越春秋云伍子胥奔吳至溧陽溧陽女

子擊縹瀨水之上子胥跪而乞餐女子簞食壺

漿而飲之子胥餐而去謂女子曰掩子壺漿勿

令其露女子曰行矣子胥行五步還顧女子已

自投於瀨中後子胥伐楚師還過溧陽瀨上長

歎曰吾常饑於此乞食而殺一婦人欲報之百

金而不知其家乃投金水中而去後有媪行哭

三百廿

建康志卷十九

三

而來曰吾女年三十不嫁擊縹於此遇窮人舖

之恐事泄投水而死故號此水投金瀨史記云

子胥未至吳而疾止中道乞食張勃曰子胥乞

食處在丹陽溧陽縣唐書音訓曰投金瀨今潁

陽江上伍子胥嘗乞食遇婦人舖之後欲報恩

求之不獲乃投百金於此瀨上有正義女廟李

白遊溧陽北湖望瓦屋山懷古詩云聞有正義

女振窮溧水灣

投書渚

今在城西

事跡 晉史殷羨建元中爲豫章太守去郡人多附書一百餘封行至江邊石頭渚以書擲水中祝曰沉者自沉浮者自浮殷洪喬非致書郵

鰲澳

在城南一十里水出婁湖下入秦淮深丈餘冬

春不涸

舊志

車跡 輿地志云梁武帝所開在光宅寺東二百五十步其寺武帝舊宅帝從城歸宅儀仗舟車駢戢塞路開以藏船

巖洞

天開巖 在攝山棲霞寺之後去寺三里石多特立中有石攀相向其直如截殆非人力所至故以天開名其巖巖之左有張稚圭祖無擇諸公題字

道卿巖 在八功德水之後半嶺間可容數人慶歷中知府葉公清臣嘗領客來游公字道卿故名

石城洞 一名龍洞在城西一里二百步石頭西嶺下臨大江當嶄絕之處有洞戶真誥云此小有洞天

南門也俗呼為龍洞口

曾國詩江流遠引背煙嵐平陸何年重舉帆斷岸插天危

三百八

建康志卷十九

三五

欲墜六朝龍去祗空巖

華陽洞 在茅山側三茅二許俱得道於此洞其洞門五三門顯二門隱

事跡 茅山記云華陽西南有二洞其西在崇壽觀後其南在元符宮東

國朝每投金龍玉簡於此○六朝記云十大洞天第八名中有金壇長百丈復有玉碣皆載神仙祕事三茅二許俱得道於此靈異至多盡見於陶貞白華陽頌○真誥曰金陵句容之句

曲洞爲第八洞天又曰句曲地肺土良水清謂之華陽洞天可以度世種民是處五災不干

言詞河漢徹碧霄晴九華仙子到凡塵涼夜山頭吹玉笛纖雲卷盡月分明清露濕草晶熒起看大地粲瑤瓊下界千門人寂寂空山夜靜海波聲仙子去渺雲程天風杳杳珮環清回望九州煙霧白千山月落影交橫。**林浦**詩華陽山雨拂輕塵獨步煙霞訪隱真笑傲太平雲外客安閑清世夢中身金章名重人稱貴布褐才高道不貧吟罷洞天風正淡自知凡骨定逢人

洞在大茅峯南

事跡茅山記云洞在大茅山前從玉液泉爲正

路洞前亦有石壇洞內有石鍾磬直下可行七

三百六十

建康志卷十九

美

八里能容一二百人其內流水不絕色若染藍石澗潺湲可愛路通無窮但險峻難涉耳又云外有古壇內有石鐘磬旌節人物皆石入者非人必見異物

越巒王洞在句容縣乾元觀南

事跡翁爲勾踐四世孫葬句容大橫山下

金生洞在句容崇壽觀東

事跡秦時採金獲金牛爲女子所觸遂躑而出

跡著于石

洲浦磯汀夾沙

白鷺洲在城之西與城相望周迴一十五里舊志

事跡酈道元水經云江寧之新林浦西對白鷺

洲。丹陽記曰白鷺洲在縣西三里洲在大江

中多聚白鷺因以名之。國朝開寶七年王師

問罪江南曹彬等破南唐兵五千於白鷺洲即

此地。建炎末虜騎侵軼江南回至江口聞王

師將以海舟中流邀其歸路遂用牛犁等於白

鷺洲一夜鑿一小河乘輕舸而走詳見新河

白鷺洲送殷淑云白鷺洲前月天明送客回。徐

有題白鷺洲江鷗詩云白鷺洲邊江路斜輕

鷗接翼滿平沙。會極詩江水悠悠綠染衣淮

山渺渺翠成圍南朝鷺序歸何處惟見滄洲白

鳥飛。揚備詩春信風生晚訊潮印沙羣鷺立

還翹凭高一片迷人眼蘆葦叢邊雪未銷。劉

通詩一聲雷鼓挾風威頃刻衝濤波釣磯行客

驚看銀漢落陽侯擎起玉山飛蛟龍便爾爭先

化鷗鷺茫然失所依安得長竿入吾

手翩然東海釣鰲歸餘見白鷺亭下

馬昂洲在城西北周迴一十五里舊志

事跡寰宇記云馬昂洲在縣北二十三里。南

徐州記臨沂縣北有馬昂洲晉元帝渡江牧馬

于此因以名之○梁書南兖州刺史南康王會理前青冀二州刺史湘潭侯退西昌世子瑛率兵三萬至馬昂洲卽此處○

海洲岸
馬昂槽

新洲

一名薛家洲去城北四十里今幕府山相對有

上新洲下新洲

事跡吳志太平元年朱據欲討孫綝綝遣孫憲等以舟兵逆據江都獲據於新洲○晉隆安五年海賊孫恩向京師聞譙王尚之在建康復聞

三十七

建康志卷十九

天

劉牢之已還至新洲不敢進而去○南史宋武帝微時貧陋過甚自往新洲伐荻有衲布衣襖等皆敬皇后手自作旣貴以付會稽公主曰後世有驕奢不節者可以此衣示之○宋武帝伐荻新洲時見大蛇長數丈射之傷明日復至洲裏聞有杵臼聲往覘之童子數人皆青衣於洲中擣藥問其故荅曰王爲劉寄奴所射合藥傅之帝曰王神何不殺之荅曰寄奴王者不可殺帝叱之皆散收藥而反○祥符圖經云隋末始

漲故名新洲

舟子洲在城南隅周迴七里 舊志

事跡梁天監十二年以朱雀門東北淮水紆曲數有水患又舟行旋衝太廟灣乃鑿通中央為舟子洲諸郡秀才上計憩止于此

概洲在城東北七十五里周迴三十八里南徐州記云石壠山北江中有洲今百姓於洲上概種所收倍於平陸

加子洲在城西南十三里周迴一十二里 舊志

三百。
建康志卷十九

事跡溫嶠陶侃赴援討蘇峻侃泊加子洲郗鑒自廣陵來會于此○寰宇記云加子洲夏日堪泊船冬月淺涸永昌之初其洲忽一日崩陷數里其形曲折作九灣

烈洲在城西南七十里吳舊津所也內有小河可泊船商客多停此以避烈風故以為名 舊志

事跡伏滔北征賦亦謂之栗洲上有小山其形似粟因名之○晉永昌元年王敦舉兵至栗洲戴若思劉隗等六軍敗績○寰宇記云王濬伐

吳嘗宿於此簡文爲相亦會桓温於此○世說云桓宣武在南州與會稽王會於溧洲于時漾舟江側謝公亦在坐狂風忽起波浪鼓涌非人力所制桓公有懼色會稽亦微異惟謝公怡然自若頃間風止桓問謝曰向那得不懼謝徐笑荅曰何有三才同盡理○安帝隆安六年桓元舉兵東下司馬元顯大懼以劉牢之爲前鋒軍溧洲參軍劉裕請擊之牢之不許與元交通舊志載宋武帝義師討逆劉牢之屯此洲者誤也劉牢之屯此洲時宋武帝爲牢之參軍大亨三年刺史文武祖道謝安自送至溧洲並此處也

方舉義兵於京口討元作舊志者殆未考耳

太元九年桓冲爲荊州

雞距洲

在城西南三十五里周廻三十里

烏沙洲

在城西南三十五里周廻二十里

楊林洲

在城西南二十五里周廻一十一里

木瓜洲

在城西南二十八里周廻二十里

浮洲

在城西南八十里周廻二十五里

龍潭洲

在城西南九十五里周廻一十五里

谷興洲

在城西南九十五里周廻一十二里

鰻鰲洲 在城西南七十里周廻三十五里西對和州
烏江縣以水多鰻鰲因爲名

董雲洲 在城西南一十五里西有小江名曰澧江故
一名澧江場其上有田五百頃

丁翁洲 在城西南二十五里周廻一十五里昔有隱
士晦其名惟稱丁翁居洲上故爲名

籬槍洲 在城西南三十五里周廻一十七里南唐保
大中治宮室取材於上江成巨筏至此時會潮退爲
浮沙所沫漲成洲渚 宋朝景德三年南岸潰出大

二九四

建康志卷十九

旱

枋木二十餘條

落星洲 在城西南三十里周廻一十里上有小阜高
數丈舊圖經云星隕所化也

魚袋洲 在城西南八十里周廻五里形如佩魚因以
爲名

烏江洲 在城西南六十里周廻一十五里接烏江縣
西界

迷子洲 在城西南四十里周廻三十里 王荆公次韻
葉致遠詩云

迷子山前漲一洲
木人圖志失編收

張公洲

在城西南五里周廻三里

舊志

事跡梁太清二年豫州刺史裴之高等舟師二萬次張公洲○陳霸先擊破侯子鑿師于張公洲○梁書王僧辯陳霸先之破侯景也耀軍于張公洲高旗巨艦過江蔽日乘潮順流景登石頭城而觀之不悅曰彼軍有如是不易敵也

蔡洲

今名蔡家沙在城西南一十二里周廻五十五

舊志

事跡

按晉史王敦在石頭欲禁私伐蔡洲荻以

三十一

建康志卷十九

望

問羣下時王師新敗士氣震懼莫敢異議溫嶠獨曰中原有菽庶人採之百姓不足君孰與足若禁人樵伐未知其可○成帝時陶侃討蘇峻與溫嶠庾亮等率舟師四萬旗鼓百里次于蔡洲六日諸軍盡會石頭城西北○盧循作亂戰士十餘萬舟艦數百里連旗而下劉裕登石頭以望循軍曰賊自新亭直上且將避之若回泊蔡洲此成擒爾時徐道覆請於新亭焚舟而戰循曰不然不如按甲蔡洲以待之初劉裕望見

船向新亭有懼色及見回泊蔡洲喜曰賊落吾下也遂率兵進戰縛以大筏因風逼之大破循軍於江中循遁走侯景次臺城裴之高援兵至後渚結陣于蔡洲景分屯南岸○大寶三年陳霸先討侯景二月大軍進姑孰先鋒次蔡洲卽此也

長命洲

梁武帝放生之所也在石頭城前

舊志

事跡 梁武帝日市鵝鴨鷄豚之屬放此洲名爲

長命洲置戶十家常以粟穀餵飼歲各千數而

三百五

建康志卷十九

望

爲狐狸所食及掌戶竊而烹者各半○輿地志云魏使李恕來聘帝時於此放生問恕曰北主頗知此事乎對曰魏國不殺亦不放帝無以應

之

揚州雜記詩梁武慈悲不鼎烹蒙恩養亦虛名狐狸口腹應潛飽就死多於日放生○

野亭 詩如何長命作洲名梁武當時此放生鵝鴨成羣如市肆鷄豚無數似屯營豈知半被狸

奴食寧免私爲鶴戶烹不殺自然能不放卻將實禍博虛聲

江乘浦

在城西北一十七里

舊志

事跡 秦始皇東遊於此渡江○南徐州記江乘

縣西二里有大浦發源於石城山東入大江因

縣爲名○吳徐盛作疑城自石頭至江乘○晉蔡謨自土山至江乘鎮守八所城壘凡十一處

蟹浦

在城西北一十六里

舊志

事跡

輿地志云白下城西南有蟹浦源出鍾山

北流九里入大江○齊崔慧景軍敗走單騎至蟹浦投漁人太叔榮之榮之故爲慧景門人時爲蟹浦戍謂之曰吾以樂賜汝汝爲吾覓酒旣而爲榮之所斬以頭內籃中送都

鄱陽浦

在石城西上通秦淮下入馬昂洲九里達于

建康志卷十九

四

江乘舊經云梁鄱陽王嘗於此置屯田因以爲名

牧馬浦

在城東南三十九里案丹陽記牧馬亭東南

一里有牧馬浦晉永和中所置流入秦淮浦上舊有橋謂之牧馬橋南朝放牧多在此

慈盞浦

在城東十里闊五十步深一丈下通大江

東江浦

在城東北五十一里闊五丈深一丈下入大江

大同浦

在城東北五十二里闊五丈深九尺下入大江

小同浦

在城東北六十七里闊五丈深一丈下入大江

泉水浦

在城西北二十五里闊五丈深九尺源出白

下山南流一十二里入秦淮

鍾浦在城東一十五里闊四丈深八尺源出鍾山南流七里入于秦淮攻之金陵圖其地有鍾浦橋

同夏浦在城東一十五里闊五丈深七尺南入秦淮浦在廢同夏縣南因以為名

羅落浦在城東北六十里闊四丈深八尺合于攝湖流十二里入大江宋武帝進至羅落橋即此地也

白社浦在城東北二十五里案金陵故事云發源鍾山西注秦淮

三百〇三

建康志卷十九

四

查浦在石頭南上十里 舊志

事跡建康實錄晉陶侃屯查浦李陽與蘇逸戰于查浦盧循犯建業宋武帝柵石頭斷查浦以拒之皆此地也

新林浦在城西南二十里闊三丈深一丈長一十二里 舊經云源出牛頭山西七里入大江秋夏勝五十

石舟春冬涸 舊志

事跡酈道元水經云江寧之新林浦西對白鷺洲○梁武帝置江酒乃自新亭鑿渠以通新林

浦又起義兵擒新亭城主大軍遂次新林侯景

圍臺城柳仲禮韋粲合軍屯新林皆此地也互

見新亭

龍城浦

在舟子洲岸西南古曲秦淮是也互見秦淮

板橋浦

在城西南三十里闊三丈五尺深九尺下入

大江

舊志

事跡李白有秋夜板橋浦獨酌懷謝朓詩天上何所

有迢迢白玉繩斜低建章闕耿耿對金陵

江寧浦

在城南七十五里源出太平州當塗縣界長

三百八十五

建康志卷十九

吳

三十里闊七尺深一丈二尺溉田一百二十頃夏秋

勝三百石舟舂冬勝一百石 舊志

事跡梁末徐嗣徽任約領齊兵萬人還據石頭

陳高祖遣兵往江寧據要險以斷賊路賊水步

不敢進頓江寧浦口遣侯安都領水軍襲破之

王荆公

有江寧夾口詩五首茅屋滄洲一酒旗

午煙孤起隔林炊江清日暖蘆花轉恰似春風

柳絮時又月墮浮雲水捲空滄洲夜泝五更風

北山草木何由見夢盡春燈展轉中又鍾山咫尺

被雲埋何況南樓與北齋昨夜月明江上夢

逆隨潮水到秦淮又日西江口落征帆卻望城

樓淚滿衫從此夢歸无別路破頭山北北山南

又落帆江口月黃昏小店无燈欲閉門半出岸

沙楓欲死繫船
猶有去年痕

秣陵浦在城南五十里闊一十丈長一十里深一丈一尺溉田四十頃輿地志云浦以舊縣爲名源出龍山北流一十里入葛塘湖又一十里入長溪合秦淮秋夏勝三百石舟春冬勝一百五十石

三山磯在城西南七十五里

舊志

事跡翰府名談曰陳公堯咨泊舟三山有老叟曰來日午時有大風舟行必覆宜避之來日天晴同行舟皆離岸公託以事日午黑雲起天末

三百七

建康志卷十九

七

大風暴至折木飛砂怒濤若山行舟皆溺公驚歎又見前叟曰某江之遊奕將也公他日當位宰相固當奉告公曰何以報德叟曰吾本不求報貴人所至龍神理當衛護願得金光明經一部乘其力薄得遷職公許之至京以金光明經三部遣人至三山磯投之夢前叟曰本止祈一部公賜以三今連陞數職再拜而去

蚶蛟磯在城西

舊志

事跡南唐書云汪台符上書陳民間利病十餘

條烈祖善之而宋齊丘疾其才因使親信誘合符痛飲推沉石城蚶蛟磯下

樂家磯在城西北二十五里上元縣金陵鄉長慶村之西

事跡國朝實錄熙寧五年詔賜江東路轉運使韓鐸新提點刑獄張稚圭詔書獎諭仍賜銀絹以提舉開江寧府張公凸上樂家磯馬鞍山河道也

九里汀在城東南五十里東下入秦淮溉田五百二

十頃 舊志

建康志卷十九

吳

事跡建康實錄吳寶鼎元年後主在武昌冬十月永安山賊施坦等反劫後主弟永安侯謙為主出烏程取故太子和陵上鼓吹曲蓋北入建業眾萬餘人丁固諸葛覲等逆討於九里汀即此處也

碭砂夾在城西南七十里

事跡張文潛有碭砂夾阻風詩云 大江春風浪如屋客舟迎

風碭砂宿

卷終